



Rapport de la séance du conseil communal

31 janvier 2024

Présenzen

Jean-Luc Nosbusch (Buergermeeschter);

Bruno Grilo a Lynn Mossong (Schäffen);

Camille Hoffmann, Emile Wies, Andreza Sanguessuga, Thomas Fellerich, Anne Kohl-Kortum, Monique Kuijpers, Cindy Dichter an Annemie Loor (Gemengeréit).

Tessy Pena (Gemengesekretärin).

Ordre du jour

Informations diverses du collège des bourgmestre et échevins

/

A huis clos :

1. Nomination d'un fonctionnaire communal, groupe de traitement B1, sous-groupe administratif pour le besoin du bureau de population.

Ënnert den eelef Kandidate gouf d'Lis Brepsom gewielt.

2. Nomination d'un fonctionnaire communal, groupe de traitement B1, sous-groupe administratif pour le besoin du secrétariat.

Kee Kandidat gouf op de Posten nominéiert.

3. Approbation de deux actes

a) Numéro cadastral 45/3495

Gemeng keeft dës Parzell vun 68 Zentiar an der Rue Pierre Saffroy fir 400 Euro. Eestëmmeg ugeholl.

b) Numéro cadastral 282/1519

Gemeng verkeeft dës Parzell vu 45 Zentiar um Closbiërg zu Déiljen fir 476 Euro. Eestëmmeg ugeholl.

4. Subsidés aux associations locales

No zwee Joer nodeems een neie Veräin seng Statuten eraginn huet a se vum Gemengerot zur Kenntnis geholl goufen, däerf de Veräin eng Demande fir Subsiden areechen. An dësem Fall sinn dat d'Beeforter Duerffrënn an den "Adventure Race Luxembourg". Des Weidere goufen d'Amicale vun de Beeforter Pompjeeë mat den Jugendpompjeeën zesumme gesat a si kréien ee gemeinsame Betrag. D'Subside bleiwen am Verglach mam Joer virdrun onverännert a fir dat nächst Joer kuckt ee fir eng nei Formule vun der Verdeelung unzewennen. Folgend Subside goufen eestëmmeg beschloss:

4 Running Paws	1 125,00 Euro
Adventure Race Luxembourg (nei)	1 125,00 Euro
Amicale Sapeurs-Pompiers/ Jugendpompjeeën	4 125,00 Euro
Association des parents d'élèves	2 250,00 Euro
Beeforter Duerffrënn (nei)	1 125,00 Euro
Beeforter Scouten	2 250,00 Euro
Beeforter Senioren	1 500,00 Euro
Chorale Sainte Cécile	1 875,00 Euro
Club Hippique, Beaufort (en suspens jusqu'à remise du dossier)	1 500,00 Euro
Groupe sportif, récréatif et culturel de Fiohoso et Beaufort	1 125,00 Euro
Ice-Hockey	6 000,00 Euro
Judo-Club	10 500,00 Euro
Keleclub „KC Befort“	1 500,00 Euro
Les Amis des Châteaux de Beaufort	11 250,00 Euro
Moto Club Victory Riders	1 125,00 Euro

Syndicat d'Initiative et du Tourisme	11 250,00 Euro
Theaterfrënn Beefort	1 125,00 Euro
Wanderfrënn Beefort	1 125,00 Euro

5. Adaptation du prix repas sur roues

An der Tëschenzäit ass de Präis vu 17,41 Euro op 18,76 Euro pro Menü ugestigen. Mat zwou Géigstëmmen (Thomas Fellerich an Anne Kohl-Kortum) gouf de Präis adaptéiert. Eestëmmeg gouf beschloss d'Locatioun vun der Plaque (22,81 Euro) ze iwwerhuelen.

6. Fixation des montants de l'allocation de vie chère pour l'année 2023

Eestëmmeg gouf beschloss de Prozentsaz an d'Staffelung vum Joer vir dru bäize behalen.

7. Compte administratif et de gestion 2021

Souwuel de Compte administratif an och de Compte de gestion goufen eestëmmeg ugeholl. Am Service ordinaire ass ënnert dem Stréch nom Total vun de Recetten (11.385.861,89 Euro) minus den Total vun Dépensen (5.772.922,91 Euro) ee Boni vu 5.612.938,98 Euro. Am Service extraordinaire beleeft sech de Mali op 3.005.690,32 Euro (Recetten 665.220,41 Euro minus Dépensen 3.670.910,73 Euro). De genannte Boni vum Exercice zesumme mam Boni aus dem Joer 2020 mécht ee Boni général vun 11.494.505,01 Euro a verrechnet mam Mali ergëtt ee definitive Boni vun 8.488.814,69 Euro.

8. Titres de recette

Eestëmmeg décidéiert. Den Total beleeft sech op 3.941.839,90 Euro an déi gréisst Beiträg sinn d'"Recette du fonds de dotation globale des communes" 2.600.768 Euro; "Subside construction d'une école pour le cycle 1 avec maison relais" 339.250 Euro; "Intérêts de capitaux" 313.130,09 Euro; "Subside construction d'un réservoir d'eau" 147.855,57 Euro; "Loyer et charges locatives d'immeubles bâtis" 95.000 Euro a "Mise à disposition CGDIS" 69.135 Euro.

Divers

* Dossier ONA

An engem ageschriwwene Bréif huet de Mato Ivelj op den 19. Januar 2024 gekënnegt a mat "Päiperléck" huet de Schäfferot eng Léisung fonnt déi Servicer ze iwwerhuelen, déi da stonneweis verrechent ginn. Des Weideren ass d'Info, datt d'ONA nach näischt bezuelt huet. Affekote sinn ageschalt. Des Weideren ass virgesi mat der ONA zesummenzekommen an déi bestehend Konventioun nei auszeschaffen.

* Dossier MOVIDA

An dësem Dossier, deen d'"Hostellerie de Beaufort" betrëfft, ass d'Informatioun, datt ee vu "Movida" nach keng Sue kritt huet an, datt Beefort keen Eenzelfall ass. D'Brauerei sicht eng nei Persoun fir an d'"Hostellerie de Beaufort" mam Zil sou séier wéi méiglech opzemaachen.

* Informations Budget 2024

An der leschter Sëtzung goufe bei der Diskussioun ëm de Budget verschidden Zuelen net korrekt erëmginn an dat huet fir Irritatiounen gesuergt. Aus dem Gronn huet de Schäfferot zesumme mat der Receveuse Sonja Fetler zousätzlech Erklärungen a Spezifikatiounen zum gestëmmte Budget ginn an esou goufen déi verschidden Usiichte kloer gestallt. Mat der gesammelter Erfahrung a méi Zäit well een den nächste Budget besser virstellen an erklären.

* Weider Informatiounen, Themen a Froe waren:

- Nei Ouvertureszäite vun der Gemeng: Dëschdesmoies a mëttwochsmëttes;
- QR-Code fir d'Rechnunge kënnen mat "Payconiq" ze bezuelen: Hei gëtt sech informéiert;
- Rapporte vun de Gemengerotssëtzungen online: Déi wäerten an Zukunft zäitno publizéiert ginn;
- den Elektro-Auto an de Loyer vum Gebai fir den Natur- a Geopark Mëllerdall: prinzipiellen Accord vun den anere Gemenge fir sech ze bedeelegen;
- d'Rumeur/Behauptung, datt "Logfire" vun der Gemeng Mazout geliwwert kritt a bezuelt gëtt ass definitiv falsch well dat Gebai elektresch gehëtzt gëtt;
- Zebrasträifen bei der Äispist: Hei gouf et schonns eng Entrevue mat Ponts et Chaussées;
- Laangen Zäitraum tëschen der Ausschreiwung an der Ofstëmmung vun de Posten: De vieregte Schäfferot wollt dem nofolgende Schaffen- a Gemengerot net virgräifen;

- ee Rendezvous mam “Syndicat d’initiative et du tourisme”: Ass geplangt;
- d’Lëscht vun den Inviteeë beim Neijoerschpatt: Déi gëtt iwwerschaft;
- eng Versammlung mat de Veräiner fir d’Material nach eng Kéier virzestellen: deemno wéi mat enger Grillparty beim Gemengenatelier;
- Schoulwee: Leit fueren trotz Verbuet mam Auto eran. Nëmmen d’Police kann déi Leit zur Rechenschaft zéien a si ass informéiert;
- d’Doleance vum “Hotel Brimer” wéinst dem ofgebrannte Gebai vis-à-vis. Et ass Saach tësche Privatleit a weder d’Gemeng nach de Ministère kënnen eppes ënnerehuelen;
- Éierung op der Gemengefeier: An Zukunft wäert ee kloer Kriterien opstellen.

Remarque générale :

Le présent rapport reproduit brièvement les décisions formelles prises par le conseil communal en sa séance du 31 janvier 2024.

Les indications susvisées sont données sans engagement et sous toutes réserves. En cas d’incohérence, d’erreur ou de divergence, seules les délibérations dûment signées par la majorité des membres du conseil communal font foi.

Beaufort, le 7 février 2024

Le collège des bourgmestre et échevins